

歷九載有善稱者得晉其官仲完一官歷二十年遂終其身焉士固攷其所存所施者何如也又得建安楊公榮作墓誌臨江金公幼孜作墓表至其他行實如創祠堂置祭田立宗子修族譜此其尊祖睦族之義正不媿范文正公矣

簡齋集卷之一

左春坊贊善陳仲完著

五言古風

題畫

久憶故人情茲焉發幽興抱琴渡危橋望入藤
蘿徑溪雨倏已晴雲收千嶂淨喬木生晚涼松
濤滿清聽之子不我逢隔離雞犬靜

安素齋

俠士尚志氣商人競刀錐偉哉君子心安素無

外馳富貴非所樂貧賤孰云悲縱然患難中坦
坦猶居夷毛褐足禦寒藜藿堪克飢一霧旣內
衛百欲寧我欺竭來建華齋面面當翠微朝霏
散几格夕露舍荆扉兀坐澹無慮所適惟琴棋
抱茲以終世金玉諒不移

題山水

危峰倚白雲秀氣橫青秋俯見岷蜀晚仰觀河
漢流朝日海上出蒼然藹林丘陽崖散金碧陰
壑晴光浮中有食霞客毋乃仙侶儔我欲一見
之道遠從無由安得同心人攜手窮冥搜

湖山佳趣圖

微雨息市氛晴光溢水木暫輟童冠書少豁林
泉目巍哉南北峰影浸西湖綠嶺外號長松霞
邊起孤鷺荷香隱綵舟鳥鳴迂絲竹興竝坡老
遊吟步逋仙躅落日度寒鐘悠然自天竺

桐月山房卷爲楊長史耀宗作

初月海上出刺桐花影濃澄輝映飛宇夜色清
簾籠萬籟此俱寂遠心與之同舉目盡皓景繁

簡齋集 卷一
枝綴殷紅撫茲發長笑四座生涼風時馬望毫
素或以調素桐一從侍銅輦出入蓬萊宮倚樹
聽鳳鳴步月趨朝鐘山房試延首千里雲濛濛
作詩寄猿鶴終老當來從

挽冰壺子

入室杳無語悵然想容儀瀟瀟簷外竹猶自舍
風悲疇昔忝同寅共直春坊曙染翰子所長屢
得彤闈顧青雲方旋登白日倏已晚賜賚自天
來精魂望鄉返弔鶴爲遠送猿並人聲哀玉樓

何在許欲見天無階我有相思淚汪汪翳秋雨
何由造此阡一洒原上土

挽王侍郎

入室見羈位有懷在儀刑悲風動林木永夜皆
秋聲疇昔守城勞論功獨稱最已聞職屢遷衣
繡懸金帶公忠長自許守道無或回嘗時章疏
上屢喜龍顏開地曹事方殷玉樓成何速寵賚
下楓宸精魄還鄉曲我有懷賢淚汪汪若雨零
何由以往吊一洒原上塋

送賀大令之休寧

季真有賢裔早歲遊膠庠英聲人所播況乃吾
同鄉十載困下流飮聞蓮花香孔融知稱薦一
鶚乘風揚懷瑾獻天帝百拜承恩光坐來卸綠
袍墨綬兼銅章載分白下袂路出新安長休寧
古名邑居人富而昌期將卓魯心以慰期民望

送虞大令之廣濟

冷員外子

六月暑氣盛炎雲朝夕生居家苦蒸鬱況有千
里行疇昔在家林乎時方秀發相去二十季老
我之華髮子行固不遙宰邑蘄陽間蘄民待新
政稱治良獨難乃祖舊龔黃賢孫今卓魯昭哉
循吏傳視今猶視古

送方教授之樵城

飛雪迷川陸寒飈鳴樹巔連鑣出白下送子歸
樵川憶昨東觀遊同心復同調窮窺秘閣書載
發金門笑大典時云畢對酒成別離孤舟日東
逝後會竟何時君採泮水芹我弄玉堂月曷以
攄所懷鱗鴻未應輟

與陳司訓桃林之會

南飈掃朝雲大日鳴穹昊宗盟列玳筵入我城
東道偉茲汗漫期況是同鄉好林深酒氣香葉
密蟬聲躁暫陪簪紱遊恍若蓬萊到何當駐殘
陽爲君倒懷抱

與吳大尹吳博士寺遊

時連興幕作酒

春色忽將謝春日還融融連公有高會邀我遊
禪宮始至未有得稍坐羅衆容云胡城市裏而
有林泉風斯景信匪易況乃延羣公大庖進肥
鮮觥籌亦交攻令尹醉旣酒國博辭莫窮蹇予
困澹泊幸與達者逢茲焉靜真源但覺萬里通
巽盡名云散豈爲春山鐘

思親圖

疾風吹庭樹子心嘗草草賴有北堂萱春深花
更好萱花固自媚子憂盍云忘先德幸勿墜期
以道自將白華多好音南陔有遺響永慰父母
心熙熙在泉壤

杏林圖

瀧江有良醫七葉垂令名築室面空翠樹杏羅
前庭深根蟠厚地春盡常青青下薄芳芷秀上
含膏露零白日翠幄張繁陰散虛楹几席淨氛
翳窗軒逗餘清時邀長桑君相去談遺經久坐
盡涼蔭重重香風生緬懷古仙人懿彼利濟情
守實付馴虎賣穀周飢氓陰功久乃就雞犬咸
飛昇斯人既已遠斯道誰能繩勗哉培爾德千
古留芳聲

愛日堂爲秋官李主事作

冬日旣苦短夏日孰云長流光逐逝波崦嵫倏
扶桑眷言堂上人秋鬢雙垂素志養期無違豈
在羅三釜盼彼反哺烏啞啞鳴樹巔微物尚有
情子職寧或愆親壽逮耆願載喜還載懼去日
不可追來日何由駐安得魯陽弋爲我延夕暉
誓將日爲歲庶以伸吾私

守恪齋爲寧國教諭翁思武作

人生宇宙間擾擾如蟻螻衆欲旣內汨百邪仍
外攻所以古君子良由知敬功敬爲聖學要成

始而成終允矣德功裔朝夕惟溫恭竭來解嚴
教移鐸鳴江東名齋以守恪期道以自克直內
既匪怠著外須從容茲焉撒昏蔽于以彰明聰
兢兢虞舜德翼翼姬文風永言繼芳躅休譽垂
無窮

溪田過雨圖有序

道董峰東行可十里許有村曰藍田山
水最爲清勝村之西有田可百十畝上
有溪故以溪田名其地去田僅數百武

吾族孫慤字叔通實居焉當夫時雨新

霽布穀猶鳴旭日方熙平疇漲綠督耕

于溪田上與田夫野老相爾汝未嘗不

以雨暘時若五穀屢登擊壤相慶曰是

帝力也吾等其曷以圖報乎無何慤以

人才起行叅嵩陽軍時憶舊業因繪溪

田過雨圖求詩人諷詠予謂是圖之作

特以寓不忘所自也若乃圖所報政在

今日勿以卑職不足以遂馳騁之志傳

不云乎一命之士苟存心於愛人於人
必有所濟矧千兵所係其可易哉愨公
餘展玩雖不必卽舊業而生意藹然可
想矣
時雨忽已遍羣山朝來晴溪田漲新綠溝澮悉
皆盈倦茲天氣暄布穀聲嚶嚶黽勉事東作孰
計勞其形浩浩谷日趣猗猗丈人情竭來應徵
辟遠入嵩陽城寫圖想舊業千里雲煙橫

赴會稽章可道適安軒

夫子抱冲素巾裳獨閒適軒居屏翳氛易安但
容膝魚鳥自浮沉花竹互蒙密清風當前除明
月入我室時揮指下絃或展床頭帙一瓢無復
餘自云志願畢陶然以忘情無懷之儔匹

嵩陽八詠 有序

予曩司鐔訓僅八載間凡鐔之名勝多
所閱歷別來屈指忽十逾寒暑矣郡人
吳石泉素我知者茲以嵩陽八景遠寄
索題披覽數回慨陳迹之尚在念歲月

之云徂思欲奮飛一致身於舊遊與石
泉劇談今昔奈縻祿于京畿第可夢而
不可卽耳
諸品上方夕微鐘出瑤嶺聲隨孤鳥空梵逐羣
機泯時有獨歸僧月明步蘿徑

右羅寺晚鐘

崎嶇葛村路路小行人稀閒門帶晚照獨樹留
餘暉何處笛聲起牛羊迤邐歸

右葛村夕照

春雨夜來深碧波自東注濤生劔浦風聲撼嵩
陽樹惟有羨里人扁舟自來去

右嵩水春濤

渺渺野田靜蕭蕭羣鷺幽彷徨數點雪點破平
蕪秋予亦忘機者因之狎白鷗

右平田立鷺

孤峰玉削成氣與九峰屬下瞰扶桑紅瞳瞳霽
人日坐看宿靄收大地皆春煥

右曲澗垂虹

羅寺鐘始鳴葛村鳥初寂高臺片月明照見千
山白獨想重登臨孤琴寄遙憶

右乾臺月朗

峩峩石嶺分冉冉寒煙暝陰隨林影重霽逐嵐
光迥望望不見人樵歌互相應

右瑤嶺煙濃

曲澗亂雲石飛泉瀉瑤空儼然萬丈崖杳杳橫
素虹久視毛髮豎林木生寒風

右嶂峰晴旭

簡齋集卷之二

左春坊贊善陳仲完著

七言古風

紀行吟寄吾宗諸彥

朝與雙闕辭暮投石城宿回首望蓬萊祥雲藹
金屋官船槌鼓拂樹開一片風帆亦快哉白沙
赤岸參差見瓜步維揚取次來秦郵湖大波無
底東楚繁華朝暮市入饌鮮魚不論錢當墟苦
酒偏能醉萬山迢遞擁彭城聞昔楚漢相雄爭

祇今淮水滔滔去草木猶餘戰血腥揚帆晚過
泗亭驛兩岬蓬蒿際天碧芒碭峰寒雲影沉歌
風臺古蕪苔濕呂梁設險舟行艱棕繩竹攬人
爭攀閩人慣識灘水惡到此不覺心膽寒金鄉
民俗素淳古博平人物稱殷富路出平原眼望
窮萬家桑棗陰連戶地當滄景近北京五河環
遶驪山青居人競詫魚鹽利過客猶談龔遂名
直沽浩蕩連溟渤晚風吹浪紛如雪遡流西上
入通州潞水洳河互回折驅車向晚登金臺中

天臺閣俱崔嵬瓊島春深雲似綉五華雨霽樹
如苔趨朝暫爾聯鴛鴦又陪銅輦匆匆去天壽
山高林木春居庸翠積關門曙途中信宿方來
歸時逐侍從趣講帷日晴鶯語當琴几晝靜爐
煙撲硯池顧予短髮不盈握放浪茲遊真可樂
臨風謾寫紀行吟爲寄故林舊猿鶴

寄家兄弟

有引

仲完此行朝廷旣錫以馬且着人送至
金臺拜見又與以一快船在途到處有

廩侍講日食天官恩至渥也不知何以
補報萬一諸兄弟子姪未免憫予有遠
行之苦賦此使知予懷云永樂乙酉閏

二月堤柳青束書至金陵金陵三千六百里吳

山楚水勞勞亭蓬萊宮闕連天上虎踞龍盤鬱
相向玉漏聲遲午夜深青宮朝謁隨天仗朝罷
相逢多故人牙牌束帶叙情真劇談故舊鄉中
事蒲泛吳姬甕裏春襟期未盡還分解又買扁

舟赴行在盛夏脩程靄景多長淮波浪兼天大
旅況淒其騎路遙呂梁洪下棹疑撓歌風臺古
荒碑沒戲馬營空紫氣消黃河西來接幽冀畿
甸氤氳藹佳氣春卿招引親天顏操觚立就龍
墀裏恩許南歸坐辟雖青衫還與舊季同儀容
放浪形骸外真與周旋禮法中六堂師老應才
宿濟濟羣英繼芳躅摘華何啻重南金抵鵲那
知盡崑玉書暇懷人萬里餘鄉闈論秀近何如
朝陽已喜和鳴鳳澹水曾傳汗血駒龍門高人

我情厚此時已試穿楊手莫道睽離悵遠違相逢已在春前後嗟予南北任馳驅長憶臨分贈別時碧波芳草將心遠淡月涼風起夢思閩山有蘭江有芷蘭芷馨香遠萬里相思日夕九迴腸因寄秦淮一雙鯉

雲蘿書室

并序

予待罪詞垣閱中秘書者累歲會稽方實守正氏從事筆硯既久暇日奉雲蘿書室圖索題予既嘉守正和易脫略果

得雲蘿之趣久念書功既就而雲乎蘿乎終不得久守正于鳳凰山中遂援筆為賦長歌于左
東人結屋藏金玉盡日營營猶不足西人結屋貯綺羅吳姬趙舞終夜歌不如君家飛構鳳山裏日持殘編究經史白雲為伴去還來綠蘿蒙茸拂窗几雲本無心猶為君吟邊臥內共氤氳有時月冷書未竟毛女弄影從紛紛幾季在泮邁同志東觀徵書一時起心迹空令猿鶴知文

章已作簪纓器金門朝去仍暮還會稽東望是
鄉關也知畢竟從龍志不作雲蘿長戀山

瀟湘遠思圖送嚴州太守之瀟湘

朝登白茫茫四顧波悠悠瀟湘一夜雨散作千
峰秋一從出守瀟湘裏每憶慈闈望素梓幾度
行吟綠嶺雲三時夢繞嚴灘水嚴灘水與瀟湘
通飛雲亦與瀟湘同看雲想見親面日照水洞
徹見心胸男兒立身在忠孝君親恩重齊穹昊
他時乞得書繡還笑舉金樽獻鸞誥

送醫師嚴達善之官

東門雨初晴江郭風始熱倚棹送歸人臨流未
曾別看君頭角何崢嶸季終三十業已成仙方
口誦如流水妙藥家藏不記名乃翁得官久鄉
郡鬢髮凝霜老尤健過客多談舊董仙居人爭
識今秦緩世傳最喜有孫賢昨宵領薦來朝天
親承恩寵錫冠服況是金印腰間懸也知到日
新秋候笑捧金盃爲翁壽更期培爾杏林春會
見陰功彌宇宙

送林上舍歸閩

置酒白門外相看情轉悲同時朋輩皆簪紱子
獨歸去猶布衣前季射策辭鄉井健筆雄詞恣
馳騁一淹太學忽三季始信窮通皆有命龍江
五月梅雨晴片帆望入三山城道傍冠蓋逢迎
者半是京華舊弟兄到家展墓將誠獻大會親
朋醉芳宴丹荔頻開玉液凝蒼瓜乍剖冰霜濺
晚風時吹茉莉香檳榔帶葉爭先嘗人生行樂
貴適意故園松菊那可忘流光瞬息疾如駛戀
土懷鄉豈男子辟雍春早值子來佇看飛騰衣

金紫

淮陽王惟中以猶子大將軍迎養至京賦

此送之

惟中自是將門子卓犖襟懷耿秋水高論胸中
盡甲兵結交海內皆雄偉曩扶親櫬臨淮歸孝
道籍籍時共推大兄壯歲襲父蔭委身王事沒
邊陲邇來猶子新授職金帶橫腰仍舊秩淮甸
宣城路匪遙致辭迎養情何密以茲感慨辭故

圍夾道送者皆儒官輕舟東下纔幾日一家子
姓皆團樂兄忠弟孝人皆喜更誨阿戎繼前軌
懸知自古忠孝門不獨鄭獬垂青史

送蒲執玉先生應召

少來好文恥好武開口逢人道今古玉郎腹稿
不足誇劉子詩豪寧比數以茲傲睨輕王侯豈
期謫戍居邊陲將軍飛劔金飾甲都護鳴鏑貂
爲裘自憐不識朝天馬俛首乘時效瘖啞聘日
空生望闕心瑾瑜誰許連城價聖明天子嗣服

初大詔四海羅真儒雄藩大府交薦剡拂袖直
步登雲衢五雲宮闕中天起衣冠濟濟皆華美
筆落縱橫輝斗星文成颯沓驚神鬼竭來領職
之宣城教雨遠被文風聲乃知詩書不相負豈
向邊陲老却人

賦得空江秋笛贈鄭浮丘助教

大江白露下秋氣橫中流翛然一笛響遠自江
上舟洲前向晚霽涼雨三弄分明作人語思逐
飛鴻海際來聲隨白鳥雲邊去須臾引羽轉清

簡齋集卷之二
商蘆葉撼撼兼葭黃驚迴少婦孤蓬夢攪斷羈
人萬里腸駐宮又復變流徵銀河澹澹天如洗
猿鶴秋吟絕島雲蛟龍夜吼寒潭水祗今誰識
桓伊心悠悠人世無知音曲終徙倚重回首落
月蒼茫烟靄深

卷二終

簡齋集卷之三

無題
左春坊贊善陳仲完著

五言律詩

題任老二畫圖

羨爾幽棲處怡然隔市喧崇山青遶屋湖水綠
當門夜月槐林邃秋風野菊尊別來頭已白飛
夢到鄉園

亭構倚雲林相將只素琴一揮揚白雪千里淨
人心風肅百泉響天高萬籟沉自憐別來久華

髮念同親

題山溪書室

公孫有賢裔隱處傍山溪簾卷看雲入書殘聽
鳥啼琴聲波外遠遊思夢中迷會看攀仙桂新
詩對月題

張友寄畫梅圖

允矣留侯裔濡毫寫素花雪殘珠有淚月淨玉
無瑕何遜情偏逸師雄興未賒緘封千里寄飛
到野人家

石城釣隱

野客隱雲林幽溪遶石城時垂巖瀨釣絕似渭
川情月冷舷逾響天秋笛倍清滄浪如可濯予
亦解長纓

雪夜訪戴

飛雪滿遙天山陰夜不眠偶思林下侶因泛剡
中船凍結川偏狹情深思欲顛如何未簪合歸
興又飄然

寄草亭剛齋諸兄

草亭名宗道字伯弘林
柄房剛齋名大節字仲

剛周東房

念別秋風裏逾冬覲紫宸承恩皆自命失路豈
 尤人笳散千山月梅開萬嶺春王程應有限遞
 莫念艱辛天出剡外不知歸路林平路因及
 鼇禁紫烟蒼臨風悵雁行夢歸魂不隔聽雨瀟
 偏長池草萋萋綠江蘋陣陣香去季攜手地月
 色倍于霜

五言排律

送陳進士省親還朝

憶折蟾宮桂詞林六度春乞歸應上疏優詔許
 寧親燦爛明朱綬趨蹌別紫宸到家仍菽水調
 餽有鱸蓴舟泛龍河日花迎雁蕩宸登堂綵衣
 絢獻壽酒盃頻新婦陳榛栗兒童挺鳳麟一門
 傳孝友三世樂天倫赴闕程期迫榮鄉志願伸
 從茲竭補袞于以答皇仁

送揚州判考績還秦州

伯起賢孫子吳陵好判官一明懸玉鏡三載覲
 金鑿政績殊昭灼恩波浩淼漫拜辭瞻日月祖

餞集衣冠渚雁霜前叫江花醉裏看羅浮迎采
鷁天際引歸鞍曙月維河迴殘蕪楚望寒盼雲
雙眼淚戀闕寸心丹竹馬重迎急蒲鞭再見寬
州民佇終惠美譽繼魯韓

送李判簿之官長樂

尚父綿華胄清時振羽翰昔季魯裂錦此日暫
棲鸞朋輩曾攀李吾儕始識韓航川魯斗邑判
簿得賢官白下離樽別吳門匹馬看詢風民俗
厚入境海天寬已喜程書簡寧辭撫字難棠陰
首石曉判筆馬江寒戀闕丹心壯行春百里安

名當登郊薦詔擬下雲端

題凝清軒

凝青新揭扁軒舍倚雲開爽氣西山入涼颺北
牖來晝閒泉在沼琴靜月當梅允矣丘中賞符
茲物才遊時將上池水日沃寸心灰瀟洒陶弘
景丰儀褚彥回悠哉懷利濟值此福根芟見說
王公祐庭前已種槐

挽陳季子

政肅宗盟念何因逝莫留身隨仙鶴化魂逐海
雲愁榆葉方宜晚梧聲忽報秋松門煙漠漠高
里夜悠悠鄉井傷耆德林泉罷釣遊計來悲令
子哀乞動宸旒碑向芳阡立詩從舊狀求江天
亭下路一望淚雙流

挽吳處士

令子先聲大龍源世業蕃傳家事詩禮垂老樂
田園處士星俄殞玄堂晝已昏松寒悲弔鶴霜
冷聽啼猿客嘆人琴化鄉憐齒德尊彫零傷二
子騰踏見諸孫黃菊秋風夢春山夜月魂題詩
遠相慰愁絕不堪論

題梅墅

別墅寒梅繞繁花逼四隣如何殘臘後而此見
陽春踈影橫波瘦清香入戶新冰霜添節操月
露助精神東閣詩情逸西湖氣味真嘲風輸我
輩調鼎屬何人雅志追前哲徵書起隱淪暫辭
林壑侶却與藻芹親大振南閩鐸寧懷東廣尊
歲寒重有約歸路訪松筠

題竹所

高閣收殘暑疎桐送蚤涼
 偶來遊竹所宛訝入
 仙鄉秀色分蒼靄虛心傲曉霜
 羣公能謔浪東道擅詞章
 流影金飄屑飛聲玉度簧
 未容三島夢且醉七賢觴
 蔣詡寧開徑王猷更據床
 雖居城市處儼若水雲傍
 梓澤誰爲數梅崖信可方
 何當謝塵鞅歲宴共徜徉

卷三終

簡齋集卷之四

左春坊贊善陳仲完著

七言律詩

恭賀皇太子千秋節

千秋令節早相逢萬國衣冠賀禮同
 南極瑞星光燦燦中天佳氣鬱匆匆
 炬明彩仗迎仙侶樂奏瓊筵引上公
 自愧久陪隨侍列惟應百拜頌時雍

送鄒侍講侍大駕北巡

聖主時巡輦路開儒臣多幸喜追陪朝辭暫對
金門日祖餞初分玉署孟魯地雨晴花似錦廣
陽春晚樹如苔宸遊到處應能賦不獨相知有
俊才

送劉員外往行在書完報命
書成東觀煥奎章報命馳驅入廣陽祖席離觴
霜下醉官河踈柳雁邊黃奏辭陳處星辰近天
語傳來雨露香道遠家林休邂逅士流指日候
歸航

錢塘懷古

邊塵捲地北風遙信馬南來駐六橋汴水故宮
空有月海門沙漱寂無潮銅駝夜泣霜華冷銀
雁秋飛王氣消五國城頭魂不返傷心誰賦楚
詞招

蒲執玉先生植蘭軒

幽軒小構倚雲林植得猗蘭愜賞心九畹餘馨
留古佩半簾殘露襲寒襟夢回香氣連書幌坐
久清輝入夜琴與子也知同臭味何妨楚澤共

行吟

題折桂堂

折桂堂者洪武甲子余與湜洵仁三姪
同舉于鄉里中因而名之季來淹滯史
館回首叢桂笑人咏之拜勗族子

秋風吹入白雲鄉雙袖攜來桂子香天上霓裳
聽玉女漢家金馬愧仙郎淮南此日思招隱邾
氏當季可竝芳爲喜芝蘭階下茁行看梧鳳矢
高崗

送庶吉士劉孟歸廬陵侍親

劉向辛勤久校書絲衣一夜夢鄉閭金門已荷
天恩重東觀還驚故舊踈棹入秦淮寒島外路
經廬阜野梅初到家問寢精調膳清暇應能賦
子虛

送許瑤庶吉士養病歸閩

一從得桂入詞垣東觀優游共討論伏枕也聞
經半載錫歸今喜沐新恩秦淮水落征鴻小閩
嶺冬深暮雪繁好謁良醫加藥石漢廷有詔起

文園

題讀書堂為宣城徐麟作

宛陵華構隱林丘萬卷儲書比鄴侯芸草香中
春寂寂伊吾聲裏夜悠悠濡毫時近雙溪水清
咏時當疊嶂樓老我敬亭相別久晚風樽酒憶

同遊

題棲雲樓為彰德教授陳則誠

闌闌聲中可結廬樓樓長與白雲俱依微每見
凝香棟分郁時還上翠襦遠接螺江朝望合近

迷烏石暮看無祇今已喜從龍去五色騰光現

瑞圖

題臨清齋

齋居幽靜隔塵喧況是詩書世澤存千里江流
應繞屋一泓湖水又當門憑欄每見游魚躍對
案惟多古聖言幾度晚風吹不寐梅飄香雪滿
吟樽

桑園書室為周編脩乃弟作

路入桑園趣自奇綠陰清隱讀書帷雨肥紫椹

當琴几風送長條拂硯池吟帶樹聲秋樸籛醉
隨林影日參差賢兄得桂成名久好向天朝接
羽儀

青溪小隱為盱江鄭隱者作

溪流屈曲抱清灣羨子青季自往還雨過葦蒲
隨室綠日晴魚鳥向人閒數聲牧笛橫橋外一
派漁歌杳靄間擬待浣溪尋杜老謾將詩酒對

寒山

虎溪風月為囊山上人作

虎溪流派自囊峰衲子時探惠遠蹤風度疎林
朝聽籟月明下界夜聞鐘心將生滅隨飛沫身
寄虚空任轉蓬我亦欲尋蓮社約雲間談笑共
從容

芹溪草堂

建陽城外小溪源吳氏先人結構存芹水雨餘
香遶屋幔峰雲散翠當門看山時發浣溪咏對
菊嘗開彭澤尊客裡披圖諧夙志宦游何日指
歸軒

檜陰書室

羨君習靜隱家林書室嘗開古檜陰
連几席一簾蒼翠濕衣襟夢回老榦
留霜鶴坐久清風入夜琴待得飛熊
來叶夢更將荷服換華簪

純孝傳紀

阿翁謫戍幾經季一死窮荒最可憐
萬里故園歸田骨一坏何處吊黃泉
西風古道山陰笛秋草寒松郭外阡
考叔已名純孝傳祇今誰似阿

戎賢

穎上感懷呈王安中陳叔諒陳敬脩暨在

泮諸友

拜辭紫禁出都門索寞窮居穎上村
鄉國音書何日到詞林朋舊幾人存
夕陽遠水連天雁落月疎鐘間夜猿
自嘆浮蹤如斷梗不須惆悵暗消魂

送林叅政之四川

雄藩自古說龜城綸綍承恩出帝京
白下同

傷遠別酒邊大阮重馳情峽江月冷孤猿嘯鳥
道霜寒匹馬行想得薇垣公事省海棠坊裏醉
聽鶯

和曾侍講禁中聞鶯

何事喬遷別紫霞應隨春信戀京華
數聲遙度千門柳百轉殊分衆鳥譁
清影自依霄漢日金衣嬌映掖垣花
詞臣吟思聽來遠高咏如君更
幾家

送文玉姪來青亭

若人棲隱構來青門外諸山儼畫屏
白日長懸徐琬榻清風如造子雲亭
松杉雨後雲連壑楊柳春前水滿汀
只恐鶴書天上至草堂從此負

山霽

送文玉姪奉檄之杭州

祖道驪駒歌一聲沙堤千樹帶離情
白頭老姪將爲別青眼諸公重送行
澤國春歸芳草今闌關雨霽瘴煙晴
西湖到日多遊賞酒石詩僧總
送迎

七言絕句

寄宗族

祠堂遙向石門開
堂下雲仍盡俊才
行處滿淵明
終恐未歸來

送族孫格還鄉二首

全次子


觀親遠入五雲鄉
客裏相看興味
休邂逅重關念爾九迴腸
拜辭膝下思樓迷望入閩關是故近
分手處綠楊殘照乳鶯啼

浙江右布政三峰公傳

郡誌載風槩縣誌有傳

公諱崇德字季廣號三峰成化甲午舉于鄉辛丑成進士授靖江縣知縣靖江之民有奢者教之以儉有情者教之以勤因其爭而訟也而教之以謙睦于是三年之內境內大治遂擢南道監察御史既而同官楊茂元以直諫觸茂陵禍且不測同官皆縮舌公獨抗疏救之上乃霽威揚竟無恙議者謂公有回天之力尋擢廣西兵備副使會柳慶鐘寇作亂勢甚猖獗家傳

公乃與都憲王公設方畧殲渠魁不閱月而削
平焉乃撫按上其功遂擢廣西左叅政浙江右
布政時逆瑾弄權賄賂旁午遂引年歸壽八十
一縣誌謂公之仕止操持不落窠臼諒哉



王公設

廣西左叅政

浙江右布政

年八十

